

葛僂翁肘後各急方

卷三四



第三冊

卷三

治寒熱諸瘧方

治卒發癲狂病方

治卒得驚邪恍惚方

治卒中風諸急方

治卒風瘖不得語方

治風毒腳弱痺滿上氣方

治服散卒發動困篤方

治卒上氣咳嗽方

三

治卒身面腫滿方



葛仙翁肘後備急方卷之三

治寒熱諸瘧方第十六

治瘧病方鼠婦豆豉二七枚合搗令相和未發時服

二九欲發時服一九

又方青蒿一握以水二升漬絞取汁盡服之

又方用獨父蒜於白炭上燒之末服方寸匕

又方五月五日蒜一片去皮中破之刀割令容巴豆

一枚去心皮內蒜中令合以竹挾以火炙之取可

熟搗爲三丸未發前服一九不止復與一九

又方取蜘蛛一枚蘆管中密塞管中以縮頸過發時



乃解去也

又方日始出時東向日再拜畢正長跪向日又手當  
閉氣以書墨注其管兩耳中各七注又丹書舌上  
言子曰死畢復再拜還去勿顧安卧勿食過發時  
斷即差

又方多資豉湯飲數升令得大吐便差

又方取蜘蛛一枚著飴中合丸吞之

又方臨發時搗大附子下篩以苦酒和之塗背上

又方鼠婦蟲子四枚各一以飴糖裹之丸服便斷即

差



又方常山搗下篩成末三兩真丹六兩白蜜和搗齋  
杵丸如梧子先發服三丸中服三丸臨卧服三丸  
無不斷者常用効

又方大開口度上下唇以繩度心頭灸此度下頭百  
壯又灸脊中央五十壯過發時灸二十壯

又方破一大豆去皮書一十片作日字一十片作月字左  
手持日右手持月吞之立愈向日服之勿令人知

也

又方阜菝三兩去皮炙巴豆二兩去心皮搗丸如大

又豆大一服一枚

又方巴豆一枚去心皮射蔕如巴豆大棗一枚去皮

又合搗成丸先發各服一丸如梧子大也

又方常山知母甘草麻黃等分搗蜜和丸如大豆服

三丸比發時令過畢

又方常山三兩甘草半兩水酒各半升合煮取半升

先發時一服比發令三服盡

又方常山三兩剉以酒三升漬二三日平日作三合

服欲嘔之臨發又服二合便斷舊酒亦佳急亦可

煮

又方常山三兩秫米三百粒以水六升煮取三升分



之服至發時令盡

又方若發作無常心下煩熱取常山二兩甘草

半合以水六升煮取二升分再服當快吐仍斷勿

飲食

老瘡久不斷者常山三兩鼈甲一兩炙升麻一兩附

子一兩烏賊骨一兩以酒六升漬之不令近火一

宿成服一合比發可數作

又方藜蘆阜莢各一兩炙巴豆二十五枚並搗熬令

黃依法搗蜜丸如小豆空心服一丸未發時一丸

臨發時又一丸勿飲食



傷寒不卷之二  
三  
又方牛膝莖葉一把切以酒三升服令微有酒氣不  
即斷更作不過三服而止

又方末龍骨方寸匕先發一時以酒一升半煮  
及熱盡服溫覆取汗便即效

又方常山三兩甘草半兩知母一兩搗蜜丸至先發  
時服如梧子大十九次服減七丸八丸後五六丸  
即差

又方先發二時以炭火床下令脊腳極暖被覆過時  
乃止此治先寒後熱者

又方先炙鱉甲搗末方寸匕至時令三服盡用火炙





無不斷

又方常山三兩搗篩雞子白和之丸空腹三十丸去發食久三十九發時三十九或吐或否也從服藥

至過發時勿飲食

治溫瘧不下食知母鱉甲炙常山各二兩地骨皮三兩切竹葉一升切石膏四兩以水七升煮二升五合分溫三服忌蒜熱麪猪魚

治瘴瘧常山黃連豉熬各三兩附子二兩炮搗篩蜜丸空腹服四丸欲發三丸飲下之服藥後至過發時勿喫食



若兼諸痢者黃連犀角各三兩牡蠣香豉各二兩並  
熬龍骨四兩搗篩蜜丸服四十九日再服飲下  
無時節發者常山二兩甘草一兩半豉五合綿裹以  
水六升煮取三升再服快吐

無問年月可治三十年者常山黃連各三兩酒一斗  
宿漬之曉以瓦釜煮取六升一服八合比發時令  
得三服熱當吐冷當利服之無不差者半料合服  
得

勞瘧積久眾治不差者生長大牛膝一大虎口以水  
六升煮取二升空腹一服欲發一服

禳一切瘡是日抱雄雞一時令作大聲無不差

又方未發頭向南臥五心及額舌七處閉氣書鬼字  
呪法發日執一石於水濱一氣呪云習習圓圓行路  
非難捉取瘡鬼送與河官急急如律令投於水不  
得廻顧

治一切瘡烏梅丸方甘草二兩烏梅肉熬人參桂心  
肉菴蓉知母牡丹各二兩常山升麻桃人去皮尖  
熬烏豆皮熬膜取皮各三兩桃人研欲丸入之搗  
篩蜜丸蘇屠白搗一萬杵發日五更酒下三十九  
平日四十九丸欲發四十九丸不發日空腹四十九丸晚



三十九丸無不差徐服後十餘日喫肥肉發之也  
芻見瘡白驢蹄二分熬大黃四分菘豆三分末砒霜  
二分光明砂半分雄黃一分搗蜜丸如梧子發日  
平旦冷水服二丸七日內忌油

附方

外臺祕要治瘡不全乾薑高良薑等分爲末每服一  
錢水一中盞煎至七分服

聖惠方治久患勞瘡瘴等方用鱉甲三兩塗酥炙令  
黃去裙爲末臨發時溫酒調下二錢匕

治瘡用桃人一百箇去皮尖於乳鉢中細研成膏不

得犯生水候成膏入黃丹三錢丸如梧子大每服  
三丸當發日面北用溫酒吞下如不飲酒井花水  
亦得五月五日午時合忌雞犬婦人見

又方用小蒜不拘多少研極爛和黃丹少許以聚爲  
度丸如雞頭大候乾每服一丸新汲水下面東服  
至妙

治卒發癩狂病方第十七

治卒癩疾方灸陰莖上宛宛中三壯得小便通則愈  
又方灸陰莖上三壯囊下縫二七壯

又方灸兩乳頭三壯又灸足大指本蘂毛中七壯灸



足小指本節七壯

又方取葶藶一升搗三千杵取白犬倒懸之以林夫

令血出承取以和葶藶末服如麻子大一丸

取差

又方葶藶子三升酒五升漬之出曝乾漬盡酒止搗

服一錢七日三勿多益狂

又小品癲狂葶藶散葶藶子三升末之酒一升漬多

日出搗之以向汁和絞去滓湯上煎令可丸服如

小豆三丸日三口面當覺急頭中有蟲行者額及

手足應有赤色處如此必是差候若未見服取盡



矣

又方末防葵溫酒服一刀圭至二三身潤又小

爲候

又方自縊死者繩燒三指撮服之

凡癲疾發則仆地吐涎沫無知疆掠起如狂及遺糞

者難治耳

治卒發狂方燒蝦蟇搗末服方寸匕日三服之酒服

又方臥其人著地以冷水淋其面爲終日淋之

治卒狂言鬼語方針其足大拇指甲下入少許卽

止



又方以甌帶急合縛兩手火灸左右脇握肘頭文俱  
起七壯須臾鬼語自道姓名乞去徐徐詰問乃解  
手耳

凡狂發則欲走或自高貴稱神聖皆應備諸火灸乃  
得永差耳

若或悲泣呻吟者此爲邪魅非狂自依邪方治之近  
效方已生蠶紙作灰酒水任下差療風癩也

附方

斗門方治癩癩用艾於陰囊下穀道正門當中間墮  
年數灸之



千金方治風癩百病麻人四升水六升猛火煮令粳  
生去滓煎取七合旦空心服或發或不發或多言  
語勿恠之但人摩手足須定凡進三劑愈  
又方治狂邪發無時披頭大叫欲殺人不避水火苦  
參以蜜丸如梧子大每服十九薄荷湯下

外臺秘要治風癩引脇牽痛發作則吐耳如蟬鳴天  
門冬去心皮曝乾搗篩酒服方寸匕若人久服亦  
能長生

廣利方治心熱風癩爛龍角濃研汁食上服二合日  
再服

